



# Appleton Area School District

Preparing Our Students for Their Future

*Every Child, Every Day*

**Lee D. Allinger**

Office of the Superintendent

Thomas G. Scullen Leadership Center | 122 E. College Avenue, Suite 1A | PO Box 2019 | Appleton, Wisconsin 54912-2019  
Phone: (920) 832-6126 | FAX: (920) 832-1725 | www.aasd.k12.wi.us

Nyob zoo txog AASD Cov niam txiv/Cov saib xyuas/Cov tswv cuab ntawm lub zej lub zos:

Lub xyoo ntawm kev kawm ntawv tas los no, peb pib hnov los ntawm peb ib cov menyuam kawm ntawv hais txog kev txhawj xeeb ncig txog tej lus uas hais txog tej yam xws li tej haiv neeg txawv thiab kev teev hawm tau hais rau thaum lub sij hawm muaj kev sib tw ua Lav Thab Npas. Thaum uas muaj kev xaiv tsa Lav Thab Npas tiav lawm, peb kuj hnov muaj kev txhawj xeeb tib yam nkaus thiab. Cov kev txhawj xeeb nov tau ua rau cov menyuam kawm ntawv nyob rau hauv peb cov tsev kawm ntawv (nyob rau txhua qib) paub tsis meej txog lawv lub neej yav tom ntej thiab xyov tsev kawm ntawv thiab lub zej lub zos yuav txais tos lawv li cas. Thov qhia rau nej paub hais tias peb yog tsev kawm ntawv rau txhua tus peb txaus siab hlo yuav ua kom zoo npaum li qhov peb ua tau kom txhua tus menyuam kawm ntawv nyob rau cov tsev kawm ntawv hauv nroog Appleton muaj kev txais tos zoo, muaj kev ruaj ntseg, thiab kev pab nyob rau peb cov tsev kawm ntawv.

Txawm li cas los peb yuav ua tib zoo saib xyuas kom kawg peb lub peev xwm ua kom muaj kev thaj yeeb nyab xeeb thiab kom tsev kawm ntawv yog ib thaj chaw muaj kev txais tos zoo rau tag nrho cov menyuam kawm ntawv ntawm 16,500 tus menyuam kawm ntawv nyob rau cov tsev kawm ntawv ib cheeb tsam hauv Appleton, peb kuj paub hais tias yuav muaj qee lub sijhawm uas muaj ib tug menyuam kawm ntawv twg hnov los ntawm lwm tus menyuam kawm ntawv tej lus hais tawm es ua rau lawv xav hais tias tsis muaj kev thaj yeeb, tsis muaj kev txais tos, los yog tsis muaj kev pab. Cov lus hais tawm ntawd tej zaum kuj yog txhob txwm hais los yos tsis txhob txwm hais, hais tim ntsej tim muag, hnov lwm tus hais, los yog ib feem ntawm kev sau ntawv tawm hauv lub xov tooj, los yog lwm yam kev sib tham hauv ua si nyob rau hauv khoos phis tawj. Kuv xav hais kom meej meej hais tias yog thaum twg muaj tej yam xwm txej li tej no tshwm sim peb cov neeg ua haujlwm yuav ua tib zoo taug qab, ua kom peb cov menyuam kawm ntawv ntsib kev noj qab nyob zoo ua ntej thiab qhov tseem ceeb yog peb tej kev xav. Thaum kawg no, peb thov kom nej nrog pab peb koom tes los ntawm kev tshab xo txog tej kev txawj xeeb uas nej pom thiab paub txog. Cov lus tshab xo hais tau ncaj nraim mus rau nej tus menyuam tus thawj tswj tsev kawm ntawv los yog cov neeg ua hauj lwm los yog cov thawj koj ntawm tsev kawm ntawv tus xov tooj 920-832-6126.

Tsev kawm ntawv yog qhov chaw muaj kev thaj yeeb nyab xeeb kev txais tos rau tag nrho 16,500 tus menyuam kawm ntawv yog lub hauv paus ntawm tej uas peb ua. Yog li ntawd, peb yeej tseem tuav rawv kev cog lus ua kom raws li tej kev koj noj koj ua saib txhua haiv neeg muaj nqis ntawm peb cov menyuam kawm ntawv. Peb yog tsev kawm ntawv, peb ntseeg hais tias qhov ib leeg zoo txawv lawm ib yam yog peb lub zog loj tshaj plaws! Lub zeem muag no yeej tsi yooj yim ncau cuag thiab yuav tsum muaj kev siv zog pab tsis paub kawg los ntawm txhua tus tswv cuab ntawm peb lub zej lub zos.

Ua tsaug rau nej kev koom tes ua kom muaj qhov chaw rau kev kawm rau txhua tus menyuam kawm ntawv nyob rau ntawm cov tsev kawm ntawv ib cheeb tsam hauv Appleton.

Los ntawm pluaj siab dawb paug,

Lee Allinger

Tus thawj tswj saib tag nrho cov tsev kawm ntawv  
Cov tsev kawm ntawv ib cheeb tsam hauv Appleton